




62419/B



M
a. b

D.D. 28

28

MEDICAL SOCIETY
OF LONDON



ACCESSION NUMBER

PRESS MARK

FANTONUS, J.B.



Digitized by the Internet Archive
in 2019 with funding from
Wellcome Library

<https://archive.org/details/b30518921>

DE THERMIS
VALDERIANIS
DISSERTATIONES
D U Æ.

AUTORE JOHANNES FANTONO,
REGII PRINCIPIS PEDEMONTII
MEDICO ORDINARIO,
*Et in TAURINENSI Universitate
Practicae Medicinæ Professore.*



GENEVÆ,

Aptud MARCUM-MICHAËLEM BOUSQUET
ET SOCIOS.

M. DCC. XXV.

1155 3 3 1/2 1/2 1/2

21 1/2 1/2 1/2 1/2

21 1/2 1/2 1/2 1/2

11 1/2

21 1/2 1/2 1/2 1/2

21 1/2 1/2 1/2 1/2

21 1/2 1/2 1/2 1/2

21 1/2 1/2 1/2 1/2

21 1/2 1/2 1/2 1/2

21 1/2 1/2 1/2 1/2

21 1/2 1/2 1/2 1/2

21 1/2 1/2 1/2 1/2

21 1/2 1/2 1/2 1/2

21 1/2 1/2 1/2 1/2



AD LECTOREM.



Inter Pedemontii Provincias non ultimum locum obtinet Cuneensis, cuius pars altera fertili agrorum planitie latissime patet; altera in præruptos montes assurgit. In tractu montano positus est Valderiensis Pagus: procul inde milliaribus sex Aquæ Thermales scaturiunt, quæ ob loci propinquitatem Valderianæ dicuntur; vetustissimis, ut

IV AD LECTOREM.

videtur , temporibus ignotæ ,
nec ad aliquam hominum uti-
litatem traductæ , fortasse ob
secretionis desertique loci posi-
tionem ; cum nulla ibi antiqui-
tatis monumenta reperiantur.
Discimus tamen , eas a patrum
nostrorum memoria quotan-
nis frequentari solitas esse ; at-
que ad potum , ad balneum ,
ad sudationem , ad stillicidium
adhiberi. De hisce fontibus sa-
luberrimis olim scripserunt exi-
mii in arte medica viri , & po-
pulares nostri Viottus , Bian-
zales , Leveronus , Gallina ; in
primisque Barisanus , Sabaudiaë
Principum Medicus , ante hos
quingenta annos Tractatum
absolutissimum edidit , in quo
Bal-

AD LECTOREM. v

Balneorum historiam accurate describit , eorumque usus & facultates ad cœlum usque mirificis laudibus extollit. Itaque obscurum Valderiensium Aquarum nomen cœpit præterita ætate clarere , & excellentium Scriptorum autoritate plurimum augeri. Tum vero præcipue earum fama apud gentes omnes percrebuit , cum VICTORII AMEDEI REGIS AUGUSTISSIMA MATER propter infirmam valetudinem ad illa eadem speciatim Balnea , aliis posthabitis , ex præstantium Medicorum sententia se contulit : quæ Ipsi revera maximo ad sanitatem adjumento fuerunt.

VI AD LECTOREM.

Commemoratos autores, & præsertim Cl. Barisanum Recentiores ad unum omnes sequuti sunt, quasi Veterum curæ diligentiaque adjici nihil posset. Nos vero, qui experimentis, quam aliorum commentariis, naturam & qualitates Thermarum doceri malumus, observationes nostras in Valderienses confecimus, easque ad Amplissimum Virum J. M. Lancisium per Litteras misimus: qui pro sua erga me singulari comitate ac benevolentia laborem meum probavit, non modo, sed etiam hortatus est, ut expolitum publici juris facerem. E vivis migravit Archiater Sapientissimus: quo sane gravissimo

mo

AD LECTOREM. VII

mo & acerbissimo casu dolet adhuc Ars nostra, æternumque dolebit. Nec satis unquam dignissimum immortalitate virum commendabo cum propter exquisitam eruditionem, doctrinam, animi candorem, liberalitatem; tum maxime ob præstantissima consilia, quibus studia nostra adjuvare solebat. Ego autem susceptas de Valde-rianis Aquis binas Dissertationes, ejusque clarissimo nomini inscribendas e manu abjeci; atque num etiam abjectæ & incultæ jacerent; nisi amici quidam, doctissimique homines otium meum excitassent: quibus propterea multas testor, & habeo grates, mihi que ipse incre-

VIII AD LECTOREM.

credibiliter gaudeo, quod per eos datum sit præclarissimi, ac de nobis optime meriti viri sempiternam memoriam recollere. En tibi igitur, Humanissime Lector, commentationem nostram in Thermas Valderianas brevi & contracto stylo exaratam. Æquo libentique animo legas. Si tibi eam probari intellexero, alteram de Gratianis sive Aquensibus Sabaudiaë Thermis inchoatam majori cum alacritate fiduciaque perficiam.





DE THERMIS
VALDERIANIS
DISSERTATIO I.

*AMPLISSIMO VIRO
JOHANNI MARIAE LANCISIO
CLEMENTIS XI.
PONTIFICIS MAXIMI
ARCHIATRO.*

JOH. FANTONUS S. P.



Ribus abhinc annis Val-
derianas Thermas eo con-
silio profectus, ut in ea-
rum naturam, & qualita-
tes diligentius inquire-
rem; sæpius ab eo tem-
pore animum induxi. Dissertationem ali-
quam

2 DE THERMIS VALDERIANIS

quam de hisce Thermis tibi, Vir Amplissime, dicendam conscribere. Quam ego provinciam aggredi cum multis hactenus negotiis impeditus nullo modo potuerim; nunc demum illud otii, quod mihi peroptato datum est, in hac præsertim re infumendum esse decrevi. Neque primas tantum observationes, quas tum in adversaria retulimus; sed recentes quoque de Aquis huc transvectis, earumque sedimentis habitas nostra complectetur oratio; quam spero neque inutilem, neque injucundam Medicinæ Studiosis futuram, ut pote novis experimentis, & phisicis ratiocinationibus refertam, quæ in Aliorum commentariis desiderantur. Cæteri enim Scriptores doctrinam rationemque Veterum sequuti vix quicquam effatu dignum de nativa hujusmodi Aquarum constitutione, imo quamplurima commentitia litteris prodiderunt. Quanquam is ego minime sum, qui hoc opusculum ita erroribus vacuum, ita excultum, atque elaboratum putem, ut eruditorum quoque hominum gratiam mihi conciliare posse confidam. Hac de causa, Suavissime Lancisi,
id

D I S S E R T A T I O I. 3

id ipsum ad te mitto & studiose a te perlegi, emendarique cupio priusquam in publicam lucem emittatur. Neque ignoro, quam libenter totum hoc onus laboris atque officii, pro homine tibi addictissimo suscepturus sis.

Valderienſes Thermæ ex præruptæ Rupis clivo plurimæ ſcaturiunt; quarum aliæ ſuperiores ſunt, aliæ inferiores. Ex ſuperioribus ad Potum & Balneum duæ potiffimum adhibentur adeo calidæ, & quaſi urentes, ut eas immerſi digiti ferre vix queant; & qui bibunt, paullulum hære ſoleant, antequam calicem labris admoveant. Inferiores autem continuo epotæ nullam moleſtiam afferunt: Licet potationi rarius, lavationi crebrius deſtinatæ, ad ſudatorium præcipue deducantur. Immiſſo in calidiores Thermometro liquor a gradu triceſimo ad ſexageſimum celerime elatus eſt, qui multo altius in longiore tubulo aſcendiſſet. Neque unus idemque calor ſemper deprehenditur; quod cunctis fortæſſe Thermalibus commune eſt. Quare a Balneorum Miniſtris cum iudicium exquirerem de gradu caloris eo tempore, quo ibidem

*Thermæ
Valderianæ
caloris gra-
du inter ſe
differunt.*

4 DE THERMIS VALDERIANIS

commorabar (erat autem Julius mensis jam declinans Anni M D C C X V.) omnes ad unum asserebant superiore anno, pariterque Julio finiente calidiores Thermas extitisse; idemque Balneantes quidam propria experientia confirmabant.

*Haec thermas
les sulphu-
reae sunt.*

Singulae omnino perspicuae, levioresque sunt aqua Torrentis, in quem proxime confluunt; etsi nonnihil sulphureum & grave redolent, quod in vicinia Fontium percipitur; hinc primi praesertim haustus palato & naribus injucundi. Cum his nihilominus subacta farina, uti cum aliis Thermalibus fit, optimus panis, nulloque modo insuavis, imo sapidus concoctuque facilis paratur; nam vapor ille graveolens coctione, penitus evanescit. Ac Pistorum testimonio scribit Pascalius pastam citius turgescere Borboniis Thermis, quam aqua communi adhibita, leviolemque panem, & sapidiolem confici: secus vero accidere, si fixo tantum sale earundem aquarum in panificio utantur. Ex quo manifestum est, a sulphuris & salis volatilis actione effectus illos, quos antea meravimus, proficisci. Porro sulphurea materies nostris in Thermalibus tactu ipso

ipsoprehenditur ; eas enim summis digitis explorans nescio quid unguinum attingere tum maxime videbar, cum in labris eadem paulisper restitissent. Facile namque in sensum incurunt sulphureæ particulæ in aquoso lactice diffusæ , dum liquoris imminuto motu minus volutantur , paulatimque aliæ aliis invicem accedunt ; ut etiam cum terrenis partibus colligatæ , gravioresque factæ tandem subsident. Idcirco in canalibus , per quos aquæ deducuntur in Balnea , in Receptaculis , & prope ipsos fontes variæ passim concretiones pinguis materiæ formantur. In ligneis aquæductibus nonmodo sulphurei , albidi , & aliquantulum rubescetes flocculi occurrunt : Sed (quod profecto mireris) pars illorum concava candidam , levem , lucidam , atque elegantissimam superficiem exhibet : ut quasi tenui Lamella *Matris perlarum* , vel serico panno denso , ac levigato , quem vulgo *Satinum* appellant , obducta videatur. Præterea in eo canali , qui aquas ex altera inferiorum scaturiginum ad Lavacrum ducit , albicantis materiæ crassiores floccos inveni. Sed

6 DE THERMIS VALDERIANIS

paucula hujusmodi materia est, quæ in aquæductibus calidiorum Thermarum subsidit; nam hæ rapidius fluunt, ligneique canales transacto æstivæ balneationis curriculo removentur, & cohærens mucus abstergitur. Tantillum quoque cœnum unguinosum in labris reperiri solet; ubi majori tamen copia colligeretur, nisi aqua frequenter in iis commutari deberet.

*Corpora
quædam
mollia &
spongiosa,
quæ vulgo
Muffæ di-
cuntur.*

Alia quædam pingua corpora vulgo *Muffæ*, in vicinia Fontium & eorum defluxu, ipsisque saxis inhærentia passim cernuntur. Hæc mollia sunt, spongiosa, thermalibus satura, ut fumum continenter emittant. Plurima invenias non solum magnitudine & figura, sed etiam colore discrepantia; alia sublutea, alia virescentia, alia subrufa, aliaque ex his mistum colorem referentia. Animadverti ea potissimum generari, ubi tardiore motu Thermales defluunt, ubique ex parvulo stillicidio eadem guttatim cadunt, ac super lapides congregantur. Ita ex eminente saxi margine pendulum ejusmodi corpus cylindricæ forme aliquando observabam, quod spithamam longitudine, crassitudine pol-

D I S S E R T A T I O I. 7

pollicem æquans in acumen difinebat : a quo iterum decedentes guttulæ in sub-
jectorum lapidum planam superficiem
multas insuper gelatinosas , & amplas
concretiones veluti Placentas effecerant.
Sed aliæ minores brevioresque *Muffæ*
ex oris lapidum pendentes , atque a
tenui filo cadentis aquæ productæ plu-
ribus locis occurrebant ; quemadmo-
dum vigente bruma cum a tectis , vel
aquæductuum fissuris gelida defluit , pen-
dulos glaciei cylindros , aliosque aliis
longiores amœno spectaculo videmus.
Et ea quidem *gelatinosa* corpora scitius
fieri , & incrementum capere hyemali ,
quam æstivo tempore , verisimile est.
Siquis autem per illam maxime tempe-
ratem in eo loco diutius permaneret ,
atque hujusce rei studiosus sese ad fon-
tes identidem conferret , is facile pers-
piceret , qua ratione procreari cape-
rint , quantoque temporis spatio sic au-
geantur *Muffæ* , quæ a deciduis gut-
tulis Thermarum producuntur. Mihi
saltem in eo satisfacere potui , ut gra-
dum caloris illorum corporum indaga-
rem. Globo Thermometri in pendu-
lis posito liquor ad gradum quin-

A 4 qua-

8 DE THERMIS VALDERIANIS

quagesimum tertium ascendit, qui antea proximus erat quadragesimo tertio. Sed impensius ea calebant, quæ plana & placentis similia sunt, neque ab exiguo stillicidio genita, sed a modica copia tardissime fluentium aquarum. Intruso enim in hæc corpora alterius Thermometri globo liquor, qui tricesimum gradum non superabat, tulit se ad quinquagesimum quintum.

*Valderianæ
Thermæ lu-
tis carent.*

Quibus autem viribus prædita sint, & quem usum habeant in curandis morbis, alibi singulatim dicemus. Nam luti vices supplere possunt, quod in Valderianis Thermis desideratur; harum nempe scaturigo, & defluxus in faxeo clivo est, ubi terrena & apta fingendo luto materies deficit. Olim quoddam cœnum parare artificiose studuerunt, quod etiamnum in fossâ pene neglectum & pauculum superest. Et quamvis ex translato aliarum thermallium luto, vel advecta saltem argilla instaurari posse videatur: vereor tamen, ut hisce aquis par sulphuris & salis copia sit, qua insigne medicamentum comparari queat, vel parem efficaciam dudum retinere. Neque superiores

riores ad hoc opus idoneo loco thermæ sitæ sunt, quæ propter magnam vim caloris ad conficiendum lutum essent aptiores. Porro id maxime requiri ad ejusdem præstantiam puto, ut fontibus subter salientibus terrestri massa aqualiter calefiat, quin imo ebulliat, primosque halitus subtiliores emergentium aquarum recipiat præter crassamenta, quæ ibidem resideant. Quæ tamen de re tibi, Eruditissime Lancisi, aliisque in hac Physicæ parte versatissimis viris judicium relinquo. Ego enim iis tantummodo Thermis adfui, quæ lutis carerent; ac talia esse naturæ opera satis intelligo, de quibus nemini liceat confidenter quicquam pronuntiare, nisi suis ipsemet oculis eadem accuratissime perlustraverit.

Sed unde paululum divertimus, jam illuc redeamus. Valderiensium aquarum sulphur odoratu, gustu ac tactu ipso percipi dicebamus; quod aliis insuper certissimis notis atque experimentis dignoscitur. Primum si aurei & argentei nummi calidis mergantur, illi saturo magis colore splendent; hi scædi, obscurique fiunt. Deinde floc-

Iterum sulphur hisce aquis inesse ostenditur.

culos & concretiones supra commemoratas ex pingui materia constare haudquaquam dubitandum est; quippe quæ a *Muffis* natura non differant, quarum mucosis terrenisque partibus sulphur involutum esse manifesto comperi. Nimirum eas in clibano ficcari jubebam; cumque aridæ omnino essent, & in parvam molem redactæ, lumini candelæ objiciebam: primum accendi cœperunt, simulque frequentissimos crepitus edere; tum ex iis flammula parumper surgebat; ac tandem omni uestione absoluta modicum cineris relinquebatur. Initio autem, quod præterire nolumus, excitabantur innumerabiles vesiculæ ob internum aerem vi ignis rarefactum, e quibus explosus crepitus illos efficiebat. Neque adeo hic effectus repetendus erat a sulphureo-nitrosis partibus, neque a salis communis, & sulphuris societate. Illud quidem animadvertere libuit, cum *Muffas* comburi adperso sale nitro curarem, uestionem non solum augeri, magisque expandi, sed flammam quoque cum aliqua *fulminatione* altius assurgere. Quo loco id minimè admonendum putarem, salnitrum

trum hisce aquis, earumque sedimentis nullum prorsus inesse, nisi vir quidam, in chymicis laboribus alioqui versatus, idipsum pluribus a se habitis experimentis perspectum sibi fuisse dixisset. Sed rudem omnino in rerum naturalium scientia eum esse oportet, qui ex ullis fontibus salnitrum elici posse affirmet. Neque enim de nitro Antiquorum loquimur, quod a nostro longissime discrepat, & cujus similis est sal Valde-riensium, aliarumque Thermarum, at certe non omnium, ut aliqui Recentiores arbitrantur.

Jam ad ea tentamina progrediamur, quæ variarum rerum permixtione cum Aquis primum calentibus; postea refrigeratis, atque transvectis; postremo cum earum sedimentis instituimus. Calidas igitur neque spiritus salis armoniaci, neque gallæ pulvis ullo modo immutavit; at syrupus violarum viridem iis colorem pulcherrimumque conciliabat; turbidæque & albicantes factæ sunt a mercurii sublimati solutione. Quæ postrema duo experimenta salem alkalicum apertissime demonstrant. In aquis porro superiorum, inferiorumque scatu-

Experimenta in Thermis habitæ ad scaturiginem.

12 DE THERMIS VALDERIANIS

turiginum cum chalcantho & alumine commistis nulla mutatio contigit. Sed *vitrioli* spiritum cum paulo largius in Thermas infudissem, brevi calicis fundum petiit aquila terra granorum duorum pondere. Quo tamen iterato experimento vix aliquæ terrestres particulae confederunt.

*Observatio-
ne: de aquis
transvectis.*

Nunc de Thermis dicamus, quas huc afferri in vitreis lagenis curavimus. Singulas exacto mense inspicienti multiplices observabantur cinericiæ membranulae, veluti Araneorum telæ alicubi simul convolutæ, & aquis innatantes, ut opacum corpus efficerent. Turbida, & albicans unius ampullæ aqua inventa est cum paucissimis pelliculis, sed quodam mucore in fundum demisso. Cæterum Thermales in vasis rite occlusis servatæ vel pellucidæ erant, vel tenuioribus membranulis refertæ; odoremque sulphuris vixdum spirabant. Ergo in his, factò periculo, alkalici falis obscuriores notas deprehendimus. Etenim a syrupo violato non viridem, sed glaucinum colorem, & quidem levissimum recipiebant; nihilque a solutione mercurii sublimati mutabantur.

Cum

Cum sale saturni fensi pallidæ, hinc turbidæ, & albicantes apparuerunt, ut fere solet in aquis vel minime falsis accidere. Oleum tartari nullam iisdem alterationem attulit. Denique in quadam Lagena cum sex ad minimum unciaë Thermarum superessent, eam accurate occludi, solaribus radiis exponi, ac sæpius commoveri ad contentum laticem agitandum curavi; ut, residui salis si quidpiam parietibus aut fundo vasis inhæreret, eadem aqua totum ebiberet. Repetita experimenta parem eventum semper habuerunt.

Sequuntur ea, quæ pertinent ad sedimentum per evaporationem Aquarum elicited, quod subrusseum est, saporisque subacris, & falsi; ideoque miror nonnullos insipidas Valderiensium aquarum feces dixisse. Ad colorem quod spectat, varius esse solet pro diverso ignis gradu, qui ad aquæ evaporationem adhibetur; quare aliarum thermalium terrenam fecem aliquoties comperi modo russeam, modo cinericiam. Jam sedimentum, quod diximus, primo commiscebam cum spiritu salis, tum *vitrioli*, postea nitri; & cum singulis

Sedimentum thermalium terrestris & falsum.

14 DE THERMIS VALDERIANIS

Mutua ratio terræ, salis & aquæ thermalis.

Nota salis alkali.

gulis prompta & brevis effecta est fermentatio. Deinde ex eo salem, qui urinosum odorem quodammodo exhalabat, per lixivium eduxi. Hujus vix unum granum in unciis aquæ decem contineri calculis subductis deprehendi; terræ autem insulsæ triplo majorem quantitatem. Eam tamen sedimenti materiam non torrefactam conficiendo lixivio adhibui, ne ullam salis alterationem ignis inferret; etenim per *calcinationem* minime dubito, quin copia salis aliquanto major elici potuisset. Hunc ergo salem, excitato intestino motu, innumerisque bullulis, spiritus *vitrioli* dissolvit. Limpida mercurii sublimati solutio eodem adjecto sale nonnihil turbatur, & expallescit. Verum tamen in solutione salis saturni, cui nostrum salem adjecimus, albedo, & major turbatio, tum crassamenti *precipitatio* subsequitur. Syrupus violaceus viridem ab eo sale colorem acquirit. Porro cum charta cœrulea ab acido liquore rubicundum colorem traxisset, aqua communis thermalis sale satura cœruleum colorem restituit. Postremo in aqua pariter falsa, eique admisto gallarum pul-

pulvere mutatio nulla. His pauca sub-
 jiciam de terrestri materia suo sale or-
 bata, cujus minima pars est, quæ ab
 aceto distillato dissolvatur; subita cum
 spiritu nitri fermentatio fit; vix ulla
 cum spiritu *vitrioli*. Gallæ tincturam
 diligenter cum hac terra in pollinem re-
 dacta permiscebam, nihilque ejus co-
 lor immutabatur; tum super eum pul-
 verem cum lenissime magneticum cul-
 trum circumferrem, nullam prorsus par-
 ticulam cultro accedere animadverti.

*Terra non
 nihil alkali-
 ca.*

Præter id genus salis, terræque aliud
 quicquam in Valderianis Thermis frus-
 tra quæfieris. Hallucinati enim sunt,
 qui plura fossilia in iis enumerant, sa-
 lem communem, Nitrum, Rubricam
 sinopicam, Alumen, Ferrum, atque
 Chalcanthum. Quod multas res animo
 effinxerint ab effectibus Aquarum pe-
 titas, quos in curandis morbis observa-
 runt, id quidem ignoscendum illis vi-
 detur. Sanioris enim philosophiæ, &
 chymicæ artis lumen priscis Scriptoribus
 nondum illuxerat; ac serius eam, quæ
 in physicis experimentis scientia versa-
 tur, ad naturam & qualitates minera-
 lium aquarum indagandas Medici tra-
 du-

16 DE THERMIS VALDERIANIS

duxerunt. Sed nullam excusationem habent, qui concretos ad marginem & fissuras canalium sales, præcipue nitrosos, se oculis vidisse asseruerunt: cum nihil his simile unquam viderim, qui sæpe ad illos Aquæductus curiose perlustrandos adivi.

*Tria in A-
quis fossi-
lia.*

Tria duntaxat hisce Aquis fossilia continentur, sulphur nimirum, alkalicus sal Veterum nitro analogus, Terraque alkalinae indolis; siquidem nihil cum aceto distillato, vix, quod sensu percipi possit, cum *vitrioli* spiritu; at vero cum spiritu nitri continuo effervescit. Sulphuris copia modica est, cujus portior pars facile vi ignis exhalatur, quemadmodum in panificio animadvertimus: vel tractu temporis paulatim in auras abit; quod in translatis Thermis observatum est. De salis fixi, terræque mutua ratione jam diximus. Sed insuper calidis inest ejusdem alkalici salis portio quædam subtilissima, quæ in sedimento inveniri non potest, ac ne diu quidem in ipsis Thermalibus retineri; a quibus scilicet sua sponte fugit atque evanescit; uti allato experimento constat; quod in transvectis aquis confeci-

mus

*Salis alkali-
ci pars
quædam
volatilis.*

mus. Neque enim viridem illum, pulcherrimumque colorem, uti ad scaturiginem vidimus, sed glaucinum solummodo cum syrupo violato suscipiunt, neque cum mercurii sublimati solutione albescunt.

Perspecta Valderiensium Aquarum indole facillime quisquis intelliget eas non solum utiles percurandis morbis esse, quibus in universum Calidæ omnes adhibentur: sed propter modicam sulphuris, minimamque salis quantitatem longe aliis quibusdam Thermis præcellere ac tutius usurpari; quotiescunque a nimia exagitatione sanguinis humorumque colliquatione timendum sit. Quod utique multorum hominum experientia comprobavit, qui vel natura infirmi erant, vel tenui corporis habitu præditi, vel a morbo debilitati. Quibus scilicet nullam non modo noxam cum potus, tum balneum attulit, sed eos magnopere utrumque adjuvit; siue stomachi vitio, siue obstructione viscerum, siue icterico morbo, siue renum mucilagine & arenulis, siue diuturnis febribus, siue aliis denique pervicacibus malis laborarent. Quid quod eximius olim Medicus Be-

Thermarum virtus in curandis morbis.

18 DE THERMIS VALDERIANIS

nessia non viris tantum septuagenariis potum & balneum valde proficuum expertus est; sed quadriennes quoque, imo triennes Pueros toleranter utilissimeque iisdem thermalibus usos fuisse testatur? Quibus observationibus palam fit temere damnari minerales aquas ab iis, qui indiscriminatim singulas singulis nocere contendunt. Profecto in macilentis hominibus, quorum præ multitudine pharmacorum, vel acerbioris morbi diuturnitate jam exolutæ sint vires, hoc genus auxilii nemo unus probaverit; quod eos nullo pacto adjuvare, imo celeriter possit ad interitum perducere. Qui autem non admodum firmo, sed exili aridoque corpore, vel acri adustoque sanguine vel calidis, ut ajunt, visceribus sint constituti, non continuo calidarum omnium potus eisdem interdicendus est. Quamquam enim hi ab usu thermalium merito prohiberi soleant, attamen docti ac prudentis Medici officium est a generalibus aliquando præceptis declinare, atque in Thermarum genere alias ab aliis fecernere: tum quædam medicamenta ita ægrotantibus accommodare, ut in eo-

eorum commodum possint converti. Et sane Thermas quibusdam naturis inimicas esse negandum non est, quæ sulphureis partibus, maximeque salinis refertissimæ sint, in quibus etiam Valderianas numerabimus, si communi sale adjecto, quod in more positum est, usurpentur. Is autem, quem supra laudavimus, in thermalibus hisce administrandis apprime versatus, atque industrius Beneficia persæpe imbecillis, & macie affectis modica dosi, rejectoque sale easdem utilissimè exhibere consueverat; tum eas temperari seminibus peporum cum tantillo sacchari interdum jubebat. Qua fere methodo in curandis eorum morbis utebatur, qui calido Jecoris aut Renum temperamento, ut cum Veteribus loquamur, prædix essent.

Ceterum Valderienses Aquæ sive puræ, sive addito stimulante pharmaco, quod modo alvum aperiat, modo urinæ secretionem promoveat, ad morbos supra commemoratos, aliosque graves ac difficillimos commode adhibentur. Longum esset omnia singulatim exponere, quæ nobis cognita &

20 DE THERMIS VALDERIANIS

*Therma-
rum usus
in morbo
venereo.*

perspecta sunt, quæque insolita & admirabilia sæpe ab aliis accepimus; etsi horum plurima ejusmodi sunt, ut difficile sit a falsis vera discernere. Illud quidem animadvertione dignum videtur, quod de rara celticæ luis curatione tradidit Barisanus. Duorum hominum historiam recitat, quorum alter inveterata gonorrhœa, alter callofis ulceribus ani, & in ambitu corporis vexabatur. Uterumque dicit a potu & balneo integræ propemodum valetudini restitutum Valderio discescisse. Sed eo adduci non possum, ut firmam stabilemque sanitatem eos esse consecutos mihi persuadeam; quandoquidem fieri solet, ut etiam ab idoneis & efficacibus pharmacis tantum aliqui levamen, & adjumentum obtineant, ut optime valere credantur, quorum nihilominus ægritudo habitis induciis recrudesceat. Altera vero ex allatis observationibus vana prorsus censenda est; cum pluribus in membris defixam lateque serpentem luem thermæ prius tollere non queant, quam pars maxima veneni specificis medicamentis expugnata sit. Atque adeo, quos pestis illa vehementer affligit, iis ad

ad medicatos fontes temere accedendum non est; utrunque enim nonnullis aliquid levaminis attulerint, certe quam plurimis noxii fuerunt, aliis etiam lethales. Sed ne illud quidem omit- tam, quod ab eodem Autore proditum est de ulcusculis & fungosis, uti vocat, Urethræ tuberculis, quæ scilicet epotis thermalibus cum omnium admiratione absumpta penitus fuerint. Hac de re quicquid alii senserint, ego Ther- mas in potu, aliisque modis adhibendas probo, si ulcerosa labe urethra laboret: at eam curationem plane inuti- lem puto, nisi primus ac præcipuus an- tivenereis medicamentis locus conceda- tur. Hac, inquam, servata lege id genus ulcera, nisi margines indurue- rint, sanabilia videntur. Quibus dein- ceps ulceribus si recentissima cicatrix inducta sit, quæ partem aliquam cana- lis angustiores effecerit; tum quoque illam medicinam fore perutilem censeo. Urethra nempe laxari, atque molliri potest copiosis haustibus aquarum, bal- neatione, fotu, injectione; unde ex- peditior urinæ aditus comparetur.

De his hæcenus. Ad rationem bi-

bendi Valderienses Aquas veniamus. Cum pauculo fale, sulphureis etiam partibus implicito, præditæ sint, non æque in omnibus per alvum, aut urinarias vias secedunt. Quapropter solent, ut antea meminimus, falem communem illis adjicere, & quoddam subinde catharticum, præsertim Mechoacannam vel Jalappam in primo haustu; vel ad cenam pilulas aloeticas fumere. Cl. Guigonius in locum marini falis, cui gemmeum anteponendum puto, cremore tartari utebatur. Aliqui hortante me tartarum solubilem feliciter sunt experti; tum falem mirabilem Glauberi, tum etiam Ebeshamensem, quem Anglicum vocant. Quamquam nos minime latet falem, qui anglici nomine circumfertur, vilique pretio venditatur, nativum non esse, sed vario artificio a chemicis præparari; eundemque a nonnullis ex marino fale confici Celeberrimus Mangetus existimat. Sed alii alios fales componere, quos polychrestos appellant, cum fale marino, cum borace, cum tartaro, cum nitro, cum alumine didicerunt. Ejusmodi autem fales ad alvi, urinæque aperiendas vias

Ratio bibendi aquas Valderienses adjecto præsertim fale.

ap-

aptissimi sunt ; quæ fane evacuatio plenæ & obesæ hominibus , quorumque viscera lenta bile , & pituitosa mucilagine obducta sint , mirifice convenit. Quare in his , cum paulo acriores stimulos Thermis addideris , res belle procedit. Verum nemo certe ignorat aliam esse rationem imbecillis & gracilibus ineundam ; & qui fibræ viscerum exilibus , & exquisiti sensus sint constituti. Quos Valderii vidimus , nullo naturæ , morbique discrimine habito , plerique omnes antiquum bibendi morem sequebantur. Primis a purgatione diebus sesquidrachmam marini salis singulis aquæ libris adjiciebant ; deinde triduo , vel quatrinduo utebantur saccharo ; post salem una alteraque die ; denique catharticum , ut initio , præcipue mannam recipiebant. Animadverti multos aquis falsis utentes , quod cibi fastidio , & permolesta siti vexarentur , idcirco panem tostum vino madidum sumere ; intereaque bibendi causa sollicitè prandium expectare. Verum quid opportunius , quam de sale partem aliquam detrahere ?

Præter hunc salem , & frequentia

24 DE THERMIS VALDERIANIS

*Corporis
motus, aut
quies in usu
Therma-
lium.*

cathartica usurpari solita, Balneorum Ministri cursum velocem ad singulos Thermarum haustus suadent; imo tripudium & saltationem, ut copiosa & celeris aquarum secessio promoveatur. Nos autem alios hortati sumus, ut leniter deambulant, alios, ut quieti manerent; & utrique moderatam, nec ita subitam inanitionem longe commodius tulerunt. Quin imo aliis in lectulo jacentibus feliciter evenit; uti frequenter in iis observavit Beneficia, qui morbo impediti, nulloque modo ambulationibus idonei continenter sedere, vel omnino decumbere cogerentur. Insuper ad ipsas scaturigines tanquam lege aliqua coacti propemodum omnes bibunt; & quidem recte, si nihil eos prohibeat; aliqui vero quam temere & periculose, qui sudore madentes domi manere recusent? multoque magis qui in aere frigido, aut flantibus ventis in aperto loco non tam spatiantur, quam cursitant? Sæpe enim frigidior aura, nec raro venti in eo tractu derepente confurgunt, a quibus diligentissime cavendum est. Nam febris facile suboritur, quæ promota diaphoresi quanquam

*Bibendum
modo ad
fontes, mo-
do etiam
domi.*

quam remittere soleat, hinc tamen graves morbi interdum consequuntur.

Inter eos, qui Valderianas biberent, perpauca memini, quibus vomitionem excitaverint. Laudatus modo Benessia plurimos sua ætate novit, qui primis diebus usque ad sextum aquas magna ex parte rejicerent; sed eos vel repugnantes jubebat quotidie ad fontem redire, quibus consistente demum Stomacho res prospere succedebat. Stomachicis pharmacis non utebatur, neque ægrotantibus auscultabat, qui cucurbitulam epigastrio apponi rogarent, certior per experimenta factus sponte sua vomitionem cessaturam. Nos autem suademus, ut qua die unum aut alterum poculum rejicitur, potus plane intermittatur, & insequente renoveatur: Sic namque fiet, ut sine gravi labore Stomachus paulatim calidis assuescat. Quod præcipue in delicatis hominibus attendere oportet, ne imbecillæ naturæ vis inferatur. Et sane inter initia si assidue vehementerque excutitur, & debilitetur ventriculus, quis bene ac toleranter incepta prosequi, totumque potationis curriculum absolvere possit?

*In vomitu
aquarum
quid consi-
lii capien-
dum?*

Ne-

*A potu
aquarum
tarda excre-
tio humo-
rum perse-
pe utilis.*

Neque igitur Ægrotos ab usu thermalium abstergere debet vomitus, qui in principiis supervenerit; neque humoris per alvum, aut urinarias vias tarda & difficilis excretio. Hoc enim primis diebus accidere aliquando mirum non est in sicca viscerum totiusque corporis intemperie. Primum pauca excernuntur sine ullo saltem gravi ægrorum incommodo; deinceps magno cum fructu liberalis evacuatio obtinetur. Quod Cl. Barisano, viro gracili & sicco, & Icteria laboranti contigit, qui tridici spatio, cum satis copiose bibisset, vix quicquam thermalium aquarum excernebat: interea tamen nullo symptomate correptus, præter cutis calorem ac levem pruritus, ad quintam diem perrexit: qua tandem lotii profluvium incepit; hinc reliqua curatio fauste feliciterque ad ultimum perducta est. Sunt etiam, quos fera evacuatio sollicitos habet, quando sub vesperam nocturnoque tempore pars major aquarum secedit. Tales ipsemet vidi, quibus ceteroquin assiduus Thermarum potus admodum salutaris fuit. Siquidem ista secretio fere leniter fit, quia crassamen-

tis

zis irretitæ manent Thermæ solvendo
 lentori , salibusque ebibendis , ut ita
 dicam , occupatæ ; unde urina satura-
 tior effluere solet. At vero suspectam
 omnino medicinam habere vulgus con-
 suevit , nisi prompta , nisi velox aliqua
 corporis inanitio sequatur ; imo nihil
 magis requirere , quam ut maxime lu-
 brica , & expedita sit alvus. Libenti
 propterea animo sæpius iterata pocula
 deplent , quos ad liberalem potum spes
 unica allicit effusissima dejectionis obti-
 nenda. Ita enim illi a natura compa-
 rati sunt , ut cujuscumque morbi curatio
 suscipienda sit , a subito & copioso ven-
 tris profluvio sanitatem pendere arbi-
 trentur. Veruntamen si elutis tantum-
 modo Intestinis aquæ omnes ad alvum
 festinent , quid , quæso , solatii , quid
 commodi percipias , cum viscera & uni-
 versas corporis partes illis irrigari , eas-
 demque cum sanguine commisceri ne-
 cessum sit ? Sed hæc generatim dicta
 sunt : Cætera persequamur ad eorum
 morem spectantia , qui Valderianas bi-
 bunt. Et primum tribus quatuorve li-
 bris plerique contenti sunt ; aliqui ad
 quinque , aut paulo ultra progrediun-
 tur ;

tur; quidam vero vegetus vir duodecim libras vix horæ unius spatio haurire non dubitabat, ut etiam socios ad sui imitationem excitaret: quos tamen hortabar, ut moderatius biberent, eos imprimis qui prætumido obstructoque Jecore afficerentur. Quorum namque ventriculus nimia Jecoris mole comprimitur, hi largas potiones permolestè ferunt, & ad vomitionem faciliores sunt. Deinde paucorum dierum curriculo bibendi finem plerique faciunt, se sequè a fontibus ad Balnea convertunt. Solent autem (quod suo jam tempore improbavit Barisanus) ubi laverint ad *Duciam* ire priusquam Sudatorium ingrediantur; cum eam postremo adhibendam esse doceret. Verum multo magis præpostera quorundam festinatio in administrandis auxiliis omnibus reprehenda est, ab iis præcipue servari solita, qui Medicorum consilio destituti ad Thermas se conferunt. Cum enim, longo aut iterato potationis usu percurandi essent, hanc nihilominus quam brevissime absolvunt, ad cætera avolantes præsidiorum genera. Ibi commorari, quantum liceret, omnino re-

cu-

*Nimia
multorum
festinatio
in adhiben-
dis Ther-
mis.*

cusant ; interim omnia , quæ consuetudine recepta sunt , usurpare statuerunt. A Potu currunt ad Balneum , ad Instillationem , ad Sudatorium ; trans flumen migrant , & in balneo S. Luciae semel immerguntur. Atque illi scopum attigisse sibi videntur , cum nihil a se prætermisum fuisse ostenderint. Sed vide , quæso , Vir Sapientissime , quam valde sint homines impatientes moræ ? Vir quidam vegetus & lacertosus e longinqua regione Valderium venerat , qui ab annis duodecim matutino vomitu quotidie vexabatur , rejiciebatque biliosa & viscida : ex quo ejus valetudo imbecillis facta erat , & infirma. Vix per triduum Thermalibus epotis vomitio sic imminuta est , ut binos dies sine vomitu numeraret. Huic profecto nihil opus erat nostro consilio , siquidem sanari voluisset : qui tamen semel lotus , & Sudatorium ingressus abire voluit , frustra obsistente me , qui neque sudationis , neque balnei , sed assidui potus utilitatem summopere commendabam. Tum etiam Villicus proVectæ ætatis , sed bene robustus aderat , qui dolorem , lassitudinem , gra-

vi-

vitatem corporis ex inveterato rheumatismo conquerabatur. Prima die lavit; altera catharticum & Aquas Thermales sumpsit; tertia Laconicum adiit; dieque insequente, cum paulo melius se haberet, in patriam rediit, ut rei domesticæ curam susciperet. Nonne præceps ista celeritas, & properatio stultorum hominum dicenda est, qui tanta cum tolerantia, tantoque cum levamine inceptam curationem temere & inconsulto dimittant? & prior potissimum, vir integræ ætatis, neque egestate, neque negotiis impeditus reprehensionem merito incurrebat, qui in morbo tam diuturno, tamque obfirmato, ac permolesto, cum efficacem Medicinam diu quæsitam, & probatissimam invenisset, inventam tamen contempsit. Tu autem jam dudum nosti, Doctissime Lancisi, non solum ab optimo remediorum delectu, & certo quodam ordine constituto (quod periti Medici officium est) verum etiam ab æquabili animo, & singulari constantia ægrorum expugnationem cujuslibet tardi morbi pendere. Quod præceptum cum ad omne medicaminum genus, tum præcipue

puè ad rectum aquarum mineralium usum pertinet. Atque hic morem bibendi thermales a multis præstantibus viris, & præsertim a Cl. Blondello laudatum commemorabo. Ægrotos enim hortari solitus erat, ut Aquisgranenses ad tertiam usque hebdomadam fumerent, a libra una ad quatuor vel paulo plures sensim progrediendo. Cujus documenti occasione Engelbertum quemdam ad eos fontes accessisse meminit infimo ventre maximeque pedibus adeo turgidis, ut magnitudinem capitis æquarent. Triginta dierum spatium bibendis aquis patienter, placideque consumpsit, unciarum pondus quadraginta, vel ad summum quinquaginta nunquam prætergressus: qua potus ratione servata primo quidem modicum fuit urinæ profluvium; deinde vero tanta copia excrevit, ut una die librarum sexdecim mensuram aliquando superaret. Lubrica simul alvus erat; variaque, viscosa, & acris materia excernebatur: ac demum æger ventris, pedumque tumore liberatus paulatim ad integram valetudinem pervenit. Id certe frustra se assequi sperat quicumque

Ratio bibendi aquas thermales & Observatio memorabilis F. Blondelli.

*Præceptum &
immodicus
aquarum
potus fere
perniciosus.*

que in usu Thermalium nimis properat, seque immodicis haustibus obruit, ut rem citissime conficiat. Quid, si strenui aquarum potatoris famam stultissime concupiscat? cuiusmodi exempla quædam a Scriptoribus afferuntur: quamquam inter homines id genus intemperantiæ rarissimum est. Plerumque enim fit, ut longioris moræ, aut medicinæ tædio, vel rei familiaris angustia hic error fane gravissimus committatur; quod de ægrotante scribit Blondellus, qui diebus singulis Thermales bibere ad uncias circiter quingentas sexaginta veritus non est, ut temporis compendium faceret. Quemadmodum illi ceciderit, ab Autore traditum non est: verum ab Wepfero accepit Vicarius Rusticum Helvetium aquas omnes intra statutum tempus adhibendas triduo hausisse, ut impensis parceret, qui brevi mortuus est. Sed nulla unquam ætate, nulloque loco audacissimi homines defuerunt, qui temere usurpatis medicamentis sibi mortem intulerint. Tantum igitur in hoc præsidii genere moderata cunctatio utilis est, quantum præpropere festinatio solet in magnum salutis

salutis vitæque discrimen agrotos conji-
cere. Atque ut ceteros Autores silen-
tio præteream, qui minerales aquas diu
bibendas præciperent, ad quatuor &
amplius hebdomadas Borbaniis utendum
aliquando esse dicebat Pascalius. Quæ
quidem methodus ad eos maxime per-
tinet, qui leni medicina tractandi sunt,
quique brevius, etiamsi velint, curari
nullo modo possunt. Curationem vero
sine intermissione tandiu protractam si-
quis ferre nequeat, brevior in eo
primum institui oportet, tum inducias
fieri, post eandem renovari.

His ita expositis de ratione potus A-
quarum, quædam de Balneis observa-
tiones adjiciendæ sunt. Etenim, qui
nostris in Thermalibus lavant, eos tri-
pliciter errare animadverti: quod pau-
lulum morentur in balneo; quod nimio
calidioribus aquis mergantur; quod ci-
tius, quam par est, balneationis cur-
sum absolvant. Primis lavatio vix quic-
quam prodest; nec valde postremos
juvare potest: alteri vero errorem suum
infelici fato experiuntur; quos nempe
animi defectio ut plurimum in balneo
corripit. Et quidem audaciæ suæ pœ-

*Observatio-
nes de usu
balnei.*

34 DE THERMIS VALDERIANIS

nas dedit , quem supra meminimus aquæ libras duodecim haurire solitum fuisse. Cum enim in labrum ante se demisisset , quam Thermæ deferbuissent , non multo post ingens rubor faciei , pallor , sudor , tum gravis lipothymia ei supervenit ; & nisi eorum ministerio , qui assidebant , confestim e folio eductus fuisset , cardiacis paulatim recreatus , & lectulo collocatus , mortem in Balneo forte invenisset. Porro autem præcipua & maxima Balneorum noxa ab immodico calore proficiscitur ; hinc cibi fastidium , sitis molestia , capitis dolor , vigilia , pectoris anxietas , deliquia ; ut mirum videri debeat , ne Medicos quidem ad hunc vulgi errorem satis aliquando attendere ; in quos jure meritoque invehitur Cl. Volkamerus : *An intenso , inquit , Balnei aestu virtus aquarum corporibus imprimitur ?* cujus ardor certissime omnibus nocet ; utilitas autem a moderato calore , a peculiari conditione Thermarum , a convenienti mora ægrotantium in Labro dependet. Sed quatenus in Balneo morandum ? usque dum , ajunt , sudor in fronte emergat. Qui igitur nullo negotio sudare

dare solent, statim ne e folio extrahendi? Quibus vero perdifficilis est sudatio, num & hi signum illud expectent, & diutius, quam oportet, in folio permaneant? Itaque hoc præceptum ad omnes ægrotantium species non pertinet. Loquimur autem de temperatis Balneis; quoniam in calidioribus, ut cuique notum est, celerrime sudor evocatur; veluti de Balerucanis audivimus, ubi ægroti ultra horæ quadrantem lavare vix queunt; adeo copiosus sudor eos invadit. Ac talia profecto temperari oporteret, ut commode usurpari possent: valdeque miror ferventes quasdam Thermas, quæ passim celebrantur, carere tepentibus Balneis, quæ saltem delicato, & gracili habitu hominibus necessaria videntur. Sed in universum omnes, qui aquis ferventibus se se immergunt, in utrumque discrimen veniunt, ut nimio sudore diffluant, utque animo delinquant.

Ad Valderiana Balnea redeamus, quæ semel in die, ac matutinis horis adhiberi solent, vespertina lavatione generatim rejecta. Qua in re Maifum plerique sequuntur, Medicum in eo

*Quoties
diebus sin-
gulis. Et
quandiu
lavandum.*

tractu quondam celebratissimum, quæ observationibus a se habitis spatio annorum triginta quinque omnino comperit, duplicem ad singulos dies lotionem ægrotantibus nocere. Idque a Cl. Barisano confirmatum est, qui per quadriennium ad eas Thermas profectus fere omnes admonebat, ut eodem præsidio semel in die uterentur. Nos autem clarissimorum hominum experientia & auctoritate freti quamvis ab illorum sententia non abhorreamus, præcipuam tamen repetiti Balnei noxam ad nimium ejusdem calorem referendam esse arbitramur; ut vespere etiam lavare quibusdam liceat, modo temperatis aquis mergantur. Imo sæpe fit, ut quos una immersio in calidioribus lædit, his biæna in temperatis utilis sit. Neque ullum mihi dubium est, plurium horarum balneationem in tepidis multo tolerabiliorem esse, quam per dimidiam horam in fervidis. Ad summam cum viris robustis, & contumaci morbo, præsertim cutaneo vexatis, paulo quidem severius, at jucunde leniterque cum infirmis & imbecillis agendum est. Et vero pro varia hominum coeli, ac
ther-

thermarum natura, multis in regionibus diversa lavandi norma servatur. Hic semel, illic iterum singulis diebus descenditur in solium: alibi brevis in Balneo mora fit; alibi diuturna: hic citius, illic serius curatio absolvitur. Ita Vicarius quinque hebdomadis, imo sex, septemve, modo quis non lædatur, lavandum præcipit. Quod summum tempus postulante morbo tutius atque utilius implebunt ægroti, si plurium dierum intervallo requieverint. Hac profecto ratione magnum adjumentum a Valderianis obtinerent, qui in aquis calidioribus parumper manere coacti, & citius defatigati non bene peracta curatione discedunt.

Sed mihi jam videor, Vir Amplissime, plurima passim ad practicam Medicinæ partem spectantia paulo confidentius pronuntiare. Neque enim ignarus sum, cujus viri præciara & excellenti doctrina, experientiaque iudicium mihi subeundum sit. Tu vero scriptorum morem novisti, qui multis rebus, quemadmodum singulæ in mentem veniunt, ita delectari solent, ut explendi animi causa omnia in chartam conjiciant. Nos

igitur præfenti tuo confilio deſtituti oc-
caſione ſcribendi vela, ut ajunt, inge-
nio permiſimus, ut quaſi tecum liber-
rime colloqui, tuamque ſententiam ro-
gare videremur, hanc enim Diſſertatio-
nem, quod initio dicebamus, priva-
tim perlegendam, atque emendandam
ad te mittimus.

*Stupha, ſi-
ve Sudato-
rium, ejus-
que utilitas
& noxa.*

A Potu Aquarum & Balneo qui ci-
tiſſime ſe expediunt, ut plerique ruſti-
ci, ac plebei homines, non tamen a
Thermis abire prius ſolent, quam ſemel
aut ſæpius *Stupham* ingrediantur. Quo
præſidii genere cum robustos, carno-
ſos, pingues æque ac imbecillos, &
graciles uti animadverterem, eos præ-
cipue dehortabar, qui valde infirmi,
aut longo itinere, morbo, & medica-
mentis extenuati eſſent, quibuſve prop-
terea nihil erat opportunius, quam re-
quieſcere, & enervatum corpus cibo
reficere. Atque hi quidem ſudationes
ſibi adverſari periculo ſuo videbant,
utpote qui languore, anxietate pecto-
ris, interdum lipothymia inter ipſam
ſudationem corriperentur. Sed alios
complures, qui viribus valerent, rec-
tamque viam in eo remedio adhibendo
ſe-

sequerentur ; *Stupha* mirabiliter adjuvabat : five rheumaticis affectionibus laborarent , five diuturno membrorum spasmo , five œdemate , five cutis scabiosa labe , five luis celticæ feminio , quod potissimum in externis partibus resedisset.

Et sane tam Veterum , quam Recentiorum observationibus compertum est , pertinaces quosdam morbos a Balneo parum imminui , aut prorsus non vinci , qui citius Sudatorio cedunt , & expugnantur. Atque , ut unum ex plurimis afferam , Celeberrimus Montagnana Balneo *stupham* idcirco præferre solitus fuit , quod a raporibus aquarum altius membra penetrentur , facilius dolores sedentur , concreti dissolvantur succi , duræque partes emolliantur. Quæ Sudatorii singularis , & præstantissima virtus clarius mea sententia explicari nequit , quam communi exemplo *Distillationum* , quarum altera per Mariæ Balneum , uti Pharmacopœi vocant , altera per Balneum Vaporis peragitur. Jam vero si utraque invicem comparetur , prior lenta est , posterior magis expedita. Videlicet , quæ vaporem consti-

*Sudatorii
vis magna
& excelsa
lens.*

tiunt calidi humoris guttulæ , vim quandam impulsione , & impetum receperunt , quo subjecta distillationi corpora intime pervadunt , atque dissolvunt. Id omnino perspicuum est in præparatione cornu cervini , quam philosophicam calcinationem appellant. Ossea enim frustra in distillationis opere suspensa sic ab aqueis effluviis penetrantur , ut soluta compage facile in pulverem redigantur. Sed aquarum Therma-
lium vaporibus insignis præterea virtus a sale & sulphure accedit ; nostræque præcipuam vim a sulphure acquirunt ,
cujus profecto admiranda efficacia est. Adeo solertissimi quidam viri , qui hac ætate ad promovendam chymicam artem singulare studium contulerunt , non modo sulphur inter activa principia veluti principem , sed illud unum vere activum elementum esse , aliaque a sulphuris consortio eximias agendi facultates obtinere contendunt. Quamvis autem de puro ac primigenio mixtorum sulphure hoc intelligi velint tamen nulli magis quam in communi sulphure purum illud ac primigenium abundat. Utcunque sit , magnam hujus fossilis
esse

esse virtutem fat multis experimentis constat. Quæ quidem vis insita sulphuri, ac velut irretita manet, sive ab acido volatili spiritu repetas, sive ab igneis corpusculis, quæ in resinosa substantia contineantur, ut alii Philosophi sentiunt. Tum vero illud summopere actuosum fieri tradunt, cum in exiguas particulas divisum certo quodam motu ita cietur, & volutatur, ut una consopiti ignis spiritusque excitentur. Verum hæc dicta sunt satis; jam enim propositum nobis est de Stillicidio differere.

Quod genus auxilii ab omnibus pro-
pemodum usurpari, eoque perpauco
adjuvari, aliquos etiam vehementer
lædi videbam. Etenim vel breviori
temporis spatio, quam morbi conditio
postularet; vel calidissimum recipere
solent; quod siccis præsertim, & atra-
bilariis adversatur, & qui Lienis, ma-
ximeque Jecoris insigni tumore labo-
rent. Sanguinem scilicet ac bilem in
hepaticis vasis redundantem, tardoque
motu fluentem exagitare, ac nimium
calefacere periculosum est. Tum igitur
marina spongia Thermalibus satura af-
fec-

Stillicidium thermalis quibus maxime noxiū

fectam partem diutius foveri jubebam; quæ lenis ac lenta medendi ratio prospere succedebat. Alii porro fervidis aquis ex alto defluentibus caput supponere non dubitant, etiam si debiles sint, & calidiore totius corporis, vel capitis temperamento præditi. Quade-
re pauperculi hominis gravem & acerbum casum a Balneatoribus audi-
vi, qui, ardens Stillicidium dum in vertice capitis reciperet, tanquam apoplecti-
cus concidit; idemque licet præsen-
tibus axiliis recreari cœpisset, nihilomi-
nus superstite aphonía, & alterius bra-
chii torpore in patriam suam miserrime delatus est.

*Utilitas
Stillicidii
& mira ef-
ficacias.*

Cæterum ad varias & graves, & con-
firmatas corporis ægritudines egregia su-
pra quam dici possit, Stillicidii virtus est,
dummodo id accurate rectoque ordine
administretur. Antiquos enim Rheu-
matismos, Torpedines, Tumores &c.
valde imminui, & interdum (quod
cætera præsidia minime potuerunt) hoc
uno tolli penitus, atque deleri obser-
vamus. Quo autem luculentius cogni-
tam perspectamque hujus medicinæ fa-
cultatem haberem, ad ea, quæ solitus
sum,

sum, vulgaria experimenta me contuli. Ovum gallinaceum in calidiores Thermas prope scaturiginem infudi, quod intra binas horas aliquantulum coxit, minus nempe quam sperabam. Et ova quidem obdurescere unquam posse Balneatores negabant; idque sæpius iterato tentamine edocti certissime asserabant. Tum ego locum mediocriter concavum in vicinia fontis delegi, in quem exigui aquarum fluctus more Stillicidii cadebant; ibidemque ovum per idem, ut antea, tempus reposui: quo deinde explorato, detractaque portione putaminis occurrit concretum albumen: hinc universum corticem digitis squammatim detraxi, & in plurima fragmenta solidum albumen, & vitellum cultro divisi; sed albumine magis vitellus induruerat. Quod cum animadvertissem, & merito Balneatores admirati essent, eximiam Stillicidii efficacitatem apertissime cognovi; ut, cum liquores ovi sub duro cortice plurimum alterare potuerit, multo vehementius sub cute humani corporis concrecentes succos attenuare ac resolvere valeat: unde etiam impeditæ rudes, rigidaque fibræ ad le-

ni-

nitatem , mollitudinem , & flexibilitatem reducantur. Maximi vero momenti est , quæ Thermalis Stillicidio virtus accedit a sulphure & sale partim fixo , partim volatili. Dum enim calentes illi fluctus assidue in partem aliquam irruunt ac penetrant , id amplius efficitur , ut subtiles particulæ sulphureæ , & salinæ in eandem millies repetitis ictibus intrusæ vim suam concitatissimo motu mirabiliter exerçant. Et quidem si Thermales epotæ tantarum sunt virium in resolvendo internarum partium lentore , earundem efficientiam in Stillicidiis longe majorem esse oportet , quum externis aut parum absconditis partibus adhibentur. Quamvis enim potu assumptæ celeriter cum sanguine in amplioribus arteriis ferantur , in minimis tamen reticulatis vasculis viscerum , aliarumque solidarum partium lentissime fluunt , ut propemodum quiescere videantur : nihilominus mucilagines liquant , & fibras detergunt , & vias referant ; quod utique excreta materia , morbique remissio demonstrat. Quanto igitur valentior erit actio Stillicidii , ad cujus efficacitatem augendam ille motus , ille impe-

pe-

petus, illa virum multarum momenta concurrunt! Hoc autem loco, Vir Humanissime, ne graviter feras alia quædam experimenta in medium afferri ex quibus rei medicæ Studiosi plane intelligant, ab iisdem Thermis vel sine ullo motu, qui sensibus obvius sit, mirandos effectus produci. Primum vivi Bufones cum in calidis prope scaturiginem in fovea collectis mergerentur, brevi eorum carnes ab ossibus secedebant; quod minime fieri in communi aqua ad parem gradum calefacta experientes viri asserebant. Deinde Balneatores, qui ea sæpe loca circumeunt, ubi Thermæ ad Torrentem latiore defluxu excurrunt, certo agebant calceamenta facillime atteri, & consumi; idemque lineis telis sæpenumero madefactis accidere. Quibus observationibus edocti periculum fecimus in calculo vesicæ, cujus crassiore quodam fragmine aquis infuso, quamplurimæ sensim particulae sabulosæ, multa etiam oblonga & mucosa stamina sejungebantur, quorum complexu, & glutino terrestres, vel tartareæ partes in lapidis corpus crescere videntur. Sed quiddam majus

Calculi vesicæ thermis infusi; & super his quædam observationes.

jus & admirabilius in Thermis Aquigranensibus comperit Blondellus : calculi scilicet in his per solidam diem repositi vel in arenas dissolvuntur , vel in materiam pulti aut mucilagini similem rediguntur. Id autem in vesica ægrotantium , qui aquas bibant , nequaquam fieri posse manifestum est. Aliqui tamen affirmant calculorum falesbras haustis Thermalibus deleri; ut soliti asperos emittere , lœves ac perpolitos eo tempore excernant , quo aquis utantur.

Ista vero , Lancisi Præclarissime , vix dum litteris mandavi , cum mihi ipsi diffidere ac dubitare cœpi , an præcipua vis solvendi calculum a Thermalium calore potius quam a singulari earumdem virtute oriatur. Quapropter in eodem lapide , quo tribus ante annis usus fueram , novum experimentum suscepi : hic lapis cinericus est , neque admodum durus ; cujus generis frequentes calculi ex hominum vesica extrahuntur. Ejus fragmentum aqua communi mergebam adeo calefacta , ut tantum non ebulliret. Ecce tibi quasdam particulas , quæ passim se-

ce-

cedunt, longe pauciores, quam in primo experimento; neque ulla prorsus mucosa stamina divelluntur. Sed nova hic dubitatio nobis injecta est, an istud tentamen cum aqua communi, tametsi calidissima, repetitum nos etiam fefellerit. Mutari enim potuit a triennio textura lapidis, aliamque formam adipisci stamina potuerunt; unde aliqua tantum granula solverentur, & aquæ nihil fibratum innataret. Quocirca in recente, ejusdemque naturæ calculo iterandum experimentum putavimus: cujus exitus quandoquidem omnino nihil ab altero discrepavit, propterea singulario illius effectus causam, de qua quærebat, thermalium virtuti maxime attribuendam esse percepimus. Quæ cum ita sint, operæ præmium facturos solertes Medicos existimo, si, quandoque licuerit, hujusmodi periculum facere cum variis Thermalibus aggrediantur: quod cum ex voto successerit, novam insolitamque calculosos homines juvandi rationem suppeditabit. Etsi enim aquarum potus vel raro proficit, vel etiam noceat iis, qui vesicæ calculo affecti sunt: calidarum tamen in

vè.

vesicam repetita injectio , aliquod iis commodum fortasse allatura est ; saltem hac opera recentes , ac minus duros , vel tofaceos lapides paulatim atteri posse verisimile est. Sed mihi quispiam opponet , Thermales in vesica diu commorari oportere ; quod ob frequentes mingendi stimulos in calculosis difficillimum est : tum necessum esse , ut puræ ibidem permaneant , neque a lotio corrumpantur ; quod etiam fieri nullo pacto posse videtur. Ita sane : verum hoc loco accuratius inquirendum minime suscepimus , quonam artificio & impedimenta tolli queant , & rei propositæ periculum faciendum sit. Sed oblata occasione , quod nobis obviam venit , reticere noluimus ; & siquidem inanes animo cogitationes versamus , nihil certe effici volumus , quod ægrotis inutile futurum sit. Ut eo revertamur , unde paulo nimium digressi sumus ; ex omnibus tandem allatis experimentis & rationibus concludendum aliquando est , Thermales aquas , quæ ad potum & immersionem adhibentur , eximiis quidem viribus pollere : Stillicidia tamen quibusdam in morbis , quos initio indi-

dicavimus, maximam efficacitatem habere.

Nunc venio ad usum atque utilitatem eorum corporum, quæ vulgo *Muffæ* nuncupantur. Cum placentis similes sint, diversis corporis partibus commode admoventur. Ubi applicitæ sunt, stragulis diligenter eas obduci oportet; & calida subinde a fontibus petita irrigari, ut earum nativus calor assidue foveatur; tum alteram recentem in alterius frigescientis locum opportune apponi. Ubi igitur Luta desiderari diximus, illorum munere fungentes utiliter adhibentur *Muffæ*. Imo vero quod luta calidissima, multoque sulphure, & sale referta esse soleant, propterea ægrotis sæpe molesta nimium atque infesta sunt. Hæ autem *gelatinosæ* placentæ omnino mitissimæ nocere nemini possunt, at quamplurimis mirifice prodesse. Et primum moderato calore juvant; deinde aquoso vapore sulphureo, & aliquantulum falso; postea substantiæ molitudine ac lenitate. Placuit eorum calorem cum calore viscerum vivi animalis comparare. Thermometri globum intra ventrem majoris pulli gallinacei

Eorum corporum usus, quæ muffæ appellantur.

50 DE THERMIS VALDERIANIS
injeci; cumque accurate ibi detinerem,
liquor altius in hoc tribus solum gradi-
bus quam in *gelatinoso* corpore ascendit;
cujus proinde calorem pari gradu esse
cum mediocris pulli calore judicavi.
Sed ita excellens est horum corporum
mollitudo, & lenitas, & anodyna vir-
tus, ut ea cæteris medicamentis præ-
cellere credam. Adde eximiam resol-
vendi facultatem, quæ ab humidis,
sulphureis, falsisque effluviis proficisci-
tur. Itaque præstantissimum remedium
est ad obstructas glandulas, ac tumo-
res, qui dolenter affligant, aliasque par-
tium affectiones alentis & acrioribus
succis progenitas. Quam vero com-
mendabilis hujus medicinæ utilitas, sit,
ex singulari historia, omniumque con-
sensu approbata maxime intellexi. Vir
nobilis ex militari ordine gravem ictum
ex bombæ framine supra dorsum pedis
receperat, ubi exiguus deinde tumor
apparuit; assiduus dolor ægrotum vexa-
bat; vix ullum medicamenti genus præ-
termissum est; nec acerbitem doloris
ulla unquam lenire topica, nedum tol-
lere potuerunt. Ad septimum mensem
cum ægrotatio jam esset perducta, ami-

*De illorum
corporum
utilitate
singularis
historia.*

D I S S E R T A T I O I. S I

corum consilio Valderium se contulit, ubi eas thermales Spongiæ adhibere diligentissime cœpit, paucisque diebus (rem miram!) hoc uno mitissimo auxilio plane ac per totam ab inveterato & permolesto morbo convaluit. Ipse mihi hunc eventum illustris, optimique vir judicii narrabat; cum id antea Valderii a Balneorum Ministris, atque hic a Medicis veluti rem memoratū dignam accepissem. Et merito quidem ea sunt hominum memoriæ mandanda, quorum ita secundi exitus fuerunt, ut ægrorum æquæ ac medentium spem, fiduciamque omnem longissime superaverint. Equis enim gravissimæ ac pervicacissimæ ægritudinis tam expeditam, tam celerem, tam perfectam absolutamque curationem expectaverit, quæ vix ac vix quidem in longis acerbisque malis obtinetur, si lente remedia profint? Neminem tamen credo adeo insipientem esse, qui lenissimæ hujus medicinæ parem in agendo virtutem, & velocitatem in omnibus ægrotis requirat. Quamquam diuturno morbo laborantes id maxime peccare consueverunt, quod juvantium medicaminum tarditati diffi-

52 *DE THERMIS VALDERIANIS*
cillime obsequantur ; unde illa perſepe
negligi, ac penitus dimitti, repudiari-
que ſolent auxilia, quorum diuturnita-
tem ſi æquo animo ferrent Ægroti, ſa-
nitatem aliquando conſequerentur. Quod
autem ad Valderianas *Muffas* pertinet,
dubium mihi non eſt, quin præter ea,
quæ nos ipſi vidimus, & ab eximiis
viris accepimus, plurima inſuper & me-
morabilia curationum exempla nobis
ſuppeterent, ſi tantum in earum admi-
niſtratione temporis impenderetur, quan-
tum cujuſque morbi ratio poſtularet.
Revera, me tum præſente, aderat Mu-
lier, cujus in ſuprema parte tibiæ in-
veteratus ac dolens tumor omnem chi-
rurgicam opem eluſerat : brevem poſt
uſum aquarum *Muffas* adhibere tam
proſpero eventu incoëpit, ut admodum
minueretur ejus moles, & una dolor
in dies remitteret. Cum vero eam
hortarer atque rogarem, ne præmatu-
re Thermas dimitteret, & ſpem ſanita-
tis cito obtinendæ abdicaret, illa inte-
rim tardioris auxilii, etſi valde ſaluta-
ris, pertæſa abiit cum ſociis, qui mo-
ræ impatientes, necdum bene curati
nihil magis, quam de reditu in pa-
triam,

triam, quotidie cogitare & loqui solebant.

Prudentes quidem viri, quibus certa quædam ratio in curandis morbis constituta est; quos insuper neque supellex, neque famulatus deficit, vix unquam a Thermis ante statutum tempus recedunt: cæteri vero, quorum longe major est numerus, sive a diutinæ medicinæ fastidio, sive a loci conditione citius, quam oportet, revoquantur. Ibi enim pauca sunt, angusta, incomta, viliaque hospitia, multaque ad vitam & corporis cultum necessaria defunt, quæ sibi proinde ab unoquoque comparanda, & illuc per salebrosas difficilesque vias convehenda sunt. Locus plane desertus; horrida solitudo; altissimæ undique rupes; nec nisi sylvestres arbores cernuntur, pinus in primis, abies, & fagus. Vix ullæ transvolitant aves. Rupicaprae vero turmatim huc illuc vagantur, ut etiam plures, quam quinquaginta, ultra Balneorum ædes aliquando apparuerint, si regionis hominibus fides est habenda. Quin ad ipsas Thermas hyemali potissimum tempestate accedunt, quando remotis li-

*Digressio de
Balneariis
Valderii,
ejusque loci
positione.*

gneis Aquæductibus in proximum. Torrentem Gessum aquæ per clivum latissime defluunt. Ubi igitur faxis interjecta sunt spatia, quæ calidis undis alluuntur, plantæ ubertim virescunt, ipsisque Rupicapræ pascuntur, & calidas bibunt. Concretiones quoque *gelatinosas* lingunt; quod argumento esse videtur iis aliquantulum falsudinis inesse; cum hæc avidissima falis animalia, itemque sagacissima sint. Notant enim, & observant attentis oculis Pastores, cum super arida faxa manipulos falis pecori spargunt & saturato grege abeunt; eoque protinus se conferunt, ut filices lingant. Similiter eos lapides lambunt, quos antea Thermæ irrigarunt; quemadmodum testantur Venatores, qui circum ea loca ad Rupicapras sclopeto enecandas consulto veniunt. Manent enim Balnearia hyemalibus deserta mensibus; omnesque ministri, & hospites Valderium se recipiunt. Sed ista obiter attigimus; nam eo spectabat instituta oratio, ut Balnearum Rectores primum ad instaurandas ædículas, & re omni ad vitam necessaria muniendas hortaremur: postea,
ut

Instaurandas esse balneas, & necessariis rebus munendas.

ut diverforia pro Balneis , pro Sudatoriis , ac Stillicidiis aptiora concinnioraque parari curent ; tum denique ambulacrum ad hospitum utilitatem , solatium , & qualemcunque oblectationem pro loci positione longe lateque dilatarī. Nec sine gravi causa opportunitas domicilii , & victus quaeritur ab advenis in ea plaga a mercaturis aliena , sub frigido & mutabili coelo , quod modo ventis , modo nebulae , modo imbribus subjacet. Idcirco calidiorē anni tempestate itur ad Valderienses Thermas ; duoque sunt praecipui menses Julius & Augustus , quibus in eo loco Balneorum causa versari commode liceat. Quamquam id etiam temporis frigidi contingunt dies , ut nive aliquando obriuerit ea regio ineunte Augusto , quod tum praesentes quidam viri narrabant. Ut inopes praeterea peculiari domicilio exciperentur , providendum esset ; quibus ea benevole , liberaliterque praebantur , quae ad victum , & curandas corporis aegritudines sunt necessaria. Utinam vero hi , qui opibus abundant , & qui praeter ceteris Thermarum auxilio confanescunt , beneficii memoriam pia in

Egenos liberalitate recolerent! Sic enim initium fieret ærarii, quod in singulos annos pecuniarum accessione cumulatam sustentandis pauperibus in posterum sufficeret.

Eximius quoque Medicus Valderii commoretur, qui præstituto tempore ad Balnea se conferat, ut omnes ex eo consilium de adhibendis Thermis exquirere possint, etiam ii, qui normam literis consignatam aliunde attulerint. Quoties enim nobiles viri excellentium Medicorum documentis muniti ad minerales aquas veniunt, ubi aliquis usu & experientia eruditus aliam prorsus ineundam esse rationem demonstrat? Inter potum & balneum quam sæpe multa eveniunt, quæ perturbant ægrotos, & moderatorem requirunt? Quid, si aliqui omnino infirmi sint? si gravi morbo derepente corripiantur? Adesse eum igitur oportet, qui Balneorum Medicus vulgo nominatur. Hic enim Thermarum effectus observabit: hic a recta via deflectentes ægros in eandem reducet: hic celeriter & assidue cujusque malis subveniet: hic dirigendis pauperibus liberaliter operam dabit, qui præsentem
con-

consilio destituti a Thermis perperam usurpatis deteriore valetudine sæpiissime recedunt. His vero Medici officiis cætera profecto adjungenda esse Artis subsidia, viros nempe conficiendis pharmacis, & chirurgiæ administrandæ idoneos qui inficietur?

Ut omnia brevibus perstringam, singulari studio enitendum est, ut in hisce Balneariis præsto sint ea, quæ ad usum Thermarum, ad rem cibariam, ad hospitia, eorumque supellectilem, ad curam corporis, vitæque rationem requiruntur. In hoc enim permagni momenti negotio nec diligentia, nec labori, neque ullis sumtibus parcendum est; ut rustici non modo, & plebei homines, sed plures etiam divites, sed magnates, sed illustres matronæ ad hæc salutaria præsidia confugiant, minimeque ab istarum alpium horrore, desertisque locis absterreantur. Ego vero quotiescunque in eo tractu Valderianæ Vallis altas & salebrosas rupes, annosas in saxis defixas stirpes, & passim errantium ferarum greges circumspicerem; ubi cælum inconstans; ubi propinquæ ante oculos obversantur nives; ubi

* Nat.
Hist. lib.
24. c. 1.

cuncta perpetuo silent; neque ullus nisi a Torrente rumor fluctuantium inter lapides aquarum; miræque interea virtutis scaturientes Thermas considerarém, de hac speciatim regione locutus mihi videbatur, cum diceret Plinius: * *Nec silvæ quidem, horridiorque naturæ facies medicamentis caret, sacra illa parente rerum omnium nunquam non remedia disponente homini, ut medicina fieret etiam solitudo ipsa.*

Habes, Vir Amplissime, Valderien-
sium Thermarum hoc qualecunque his-
toricum specimen; cum animus non es-
set integram absolutamque tractationem
fufcipere. Id namque muneris jamdu-
dum explevit in eo Libro Cl. Barisa-
nus, quem italico sermone conscripsit.
Amœno etenim, omnibusque flosculis
ornato stylo, sed pressis veterum ves-
tigiiis universam Thermarum historiam,
proprietas, & usum cumulatissime tra-
didit. Neque vero illa omnia indiscri-
minatim & confuse, sed præcipua tan-
tum maximeque memorabilia collegi,
nostrisque observationibus, & experi-
mentis servato rerum ordine adjeci.
Qua scribendi ratione primum medici-
næ

næ Studiosis consulere; deinde illorum, qui brevibus commentariis delectantur, quamdam mihi gratiam conciliare volui. Quamobrem cæteros etiam Valderianos fontes, vel hac ætate neglectos, vel minus usitados prætermisi; de quibus tamen aliquid me scripturum constitui, si tu ad hujus Opusculi supplementum id necessarium arbitraris. Interim Dissertationem hanc tibi perlegendam mitto hærenti incertoque animo, quem suscepti laboris exitum expectem quamquam, tuo sapienti consilio si me adjuveris, exigui operis fructum mihi vel uberrimum polliceor. Vale.

Taurini Prid. Id. Sept.
M. DCCXVIII.





D E



DE THERMIS VALDERIANIS

DISSERTATIO II.

*AMPLISSIMO VIRO
JOHANNI MARIAE LANCISIO
CLEMENTIS XI.
PONTIFICIS MAXIMI
ARCHIATRO.*

JOH. FANTONUS S. P.



Uod meam Dissertatio-
nem de Valderianis Ther-
mis gratam acceptamque
habueris; atque optima
præcepta de hoc scriben-
di genere perhumaniter mihi tradideris;
cum

62 DE THERMIS VALDERIANIS

cum tibi maximas ago gratias & habeo; tum pleraque omnia de tua sententia me esse facturum spondeo. Hortaris quoque & admones, ut reliquos Valderii fontes ne silentio præteream; neque hujus texendæ appendicis curam otiosus aliquando refugiam. Non equidem renuo, non repugno; quin imo demandatum mihi onus alacriore animo aggredior; ex quo nostras commentationes non probasti solum, sed etiam ad illas perficiendas tuis monitis consiliisque magnum mihi adjumentum attulisti.

Fons vulgo
Vitriolatus

Initium faciam ab exiguo quodam fonte, qui post hominum nostrorum memoriam *Vitriolatus* nuncupatur. Paulo supra calidiores Thermas originem habet; difficilis ad eum accessus est ob altitudinem & asperitatem loci; ab aliis fontibus differt, quod moderato calore gaudeat; tametsi non unus semper idemque tepor sit. Adhibito enim Thermometro nunc quinque, nunc sex, septemve, ad summum gradibus octo liquor ascendit. Aliæ porro Thermales *Vitriolata* minus graves sunt; quæ minor gravitas in majorem earundem calorem

lorem referenda est. Tantum vero abest, ut illa Sutorio atramento abundet, acidoque sapore gustum afficiat, sicut aliqui litteris prodiderunt, ut ab ea nullus plane sapor emanet, qui *vitriolici*, vel acidi salis vim aliquam vel levissimam exerat. Præterea charta cærulea supra fontem proxime extensa, ibique diutius retenta neque ab illius vapore immutatur, neque irrigata latice ullam coloris alterationem subit. Nos vero ad inquirendam accuratius aquæ naturam syrupum violaceum, solutionem mercurii sublimati, & gallæ tincturam iterum ac sæpius adhibuimus; neque tamen acidi, neque alkalici salis, neque *vitrioli*, neque aliorum fossilium notas deprehendimus. Russeos quidem lapides in defluxu aquarum offendi, qui ferrugineæ venæ indicia dare videntur. Hæc, si ulla est, minima prorsus est; quoniam cum pulvere gallæ a me explorata nullo pacto se patefecit. Quare existimo quamdam esse speciem argillæ, quam aquæ in sinu montis lambere potuerint: quæ dum leniter effluunt, illa subsidit, & obvios lapides quadam veluti vernice obducit. Quod
 si

64 DE THERMIS VALDERIANIS

si eam martialis materiæ quodammodo participem esse quisquam contenderit, hoc utique dabimus; veruntamen ista ferri substantia, & virtus omnino abscondita in terrena parte argillæ nihilo præstantiores Thermas efficiet.

*Fons alter
exiguus.*

Paucis infra hunc fontem passibus alter exoritur minor, terræ glebis muscosis alte circumdatus, densisque herbis ac stipulis coopertus; qui a calidioribus Thermis cum propius absit, ideo superiori calidior est. Revera liquor Thermometri sublimius in eo viginti & amplius gradibus ferebatur. Plurimi albentes flocculi ad ipsam scaturiginem calido latice innatabant, quos ibidem concrevisse longo temporis spatio verisimile est, ob eam præcipue causam, quod locus ille, uti diximus, glebis circumseptus esset, tum plantis, culmisque contactus; ab his enim cohibitus vapor sulphureus paulatim flocculos formavit. Hinc etiam suspicari licet nec superiorem fontem hoc prorsus elemento sulphureo destitui; quod tamen in flocculos concrefcere non potuit, quia fons in aperto, & propatulo loco scaturiat. Sed pauculus ab utroque
hali-

halitus sulphuris emanat, quandoquidem gustum & odoratum fugit.

Verum de inferiore satis, quem penitus omnes despiciunt. Redeamus ad *Vitriolatum*, quem a nonnullis Medicis valde commendari audio in ea præsertim corporum conditione, ut neque calefieri, neque siccare debeant. Et sane temperatissimus est, ad potum percommodus atque ad urinam lenissime cibandam idoneus; quem propterea melancholicis, & atrabilariis convenire statuunt, & quibus acer & adustus sanguis sit; tum in calida Renum intemperie, in Dysuria, in tartareis & arenosis affectionibus. Unde quam plurimi nominis celebritate permoti hunc libenter adeunt, tametsi nullum bibendi ordinem servant. Nos autem hujus aquæ proprietates, quas alii ad *vitriolum* falso retulerunt, ab earum tepore, ac tantillo sulphuris, & salis, potiori jure repetendas ducimus.

Hæc de Aquis citra Torrentem. In parte adversa Rupis tres parvo intervallo diffusi fontes prodeunt. Primus ceteris spectabilior *S. Lucie* fons; alter minoris momenti *la Garagna* Incolis

Usus illius
fontis, qui
falso vitriolatus
censetur

Fons S. Lucie

vocatur ; tertium nullo nomine , nulloque pretio habitum Balneatores indicabant ; cujus utilitas , siqua olim cognita fuit , sua & patrum memoria penitus exciderat. Primo *Lucia* nomen inditum fuisse antiquis temporibus ajebant , quod ejus latex tanquam insignis oculorum medicina vulgo haberetur ; eoque nunc etiam rustici oculos aliquando lavant. Et quamquam hoc inane collyrium prope ab omnibus negligatur , attamen ejusdem Laudatores audivimus , qui sæpius exploratam fuisse eximiam illius virtutem dicerent : neque mirum aut rarum esse aliquibus nihil profuisse , cum fere illarum ægrotationum medela quærat , quæ immedicabiles sunt. Addebant eo remedio diutius utendum , quod facere nostri non solent , prisca vero diligenter fecerunt. Adeo difficile est ex animis hominum insitam vetustamque opinionem prorsus evellere. Vir quidam , vidente me , imbecillos jamdudum oculos hisce aquis persæpe rigabat : quod frustra fieri a me etiam atque etiam admonitus , ac nullum re ipsa levamen adeptus , spem omnem claræ visionis recuperandæ tandem abjecit.

jecit. Hæc singularis, & mirifica aquarum virtus in oculos aliarum quoque regionum fontibus falso attributa est: fuit enim hoc medicinæ genus posteritati sine certa experientia transmissum. Cujusmodi porro fuisse constat calidos fontes, quos in villa Ciceronis ad litus puteolanum paulo post ejus obitum compertos Plinius commemorat, & a quodam Tullii liberto hisce versibus commendatos:

*Hic etiam apparent lymphæ non ante
reptæ,*

*Languida quæ infuso lumina rore
levant.*

Sed alius est aquarum S. *Luciæ* usus, hicque communiter receptus. Peracto scilicet a majoribus Thermis Potus, Balnei, Sudationis, ac Stillicidii curriculo, huc demum lavandi causa venit. Et nihil profecto temperatius hoc balneo, nihil lenius, nihilque suavius; cujus calorem cum aliquoties Thermometro explorarem, modo ad sexdecim, modo ad viginti gradus surgebat. Quare hujus Balnei calor fere æqualis est calori viscerum minoris pulli gallinacei.

*Balnei ad
fontem S.
Luciæ qua-
litates.*

Ego sæpe ad illum Fontem adibam,

quo tempore Valderianis aquis commoratus sum; ejusque laticem contrectanti magis oleaceus, quàm alia quælibet balneorum aqua, videbatur; ut propterea nullo modo dubitandum sit, quin copiosæ sulphurei cremoris particulae in illo contineantur; ex quarum congerie cum plurimi albentes flocculi, tum *gelatinosa*, & virescentia quædam corpora fiunt, quæ in aquæductu reperiuntur. Quæ ibi concretiones ex eo facile formantur, quod canalis fere horizontaliter positus labro committitur, ut aqua proinde motu lenissimo defluat. Quamquam hæc corpora non tantum ex sulphurea, & terrestri aquarum materia constare puto, sed etiam ex eo lentore, qui a deciduis herbis & frondibus in fontis alveo relinquitur; unde viridem colorem acquirunt. Lutum quoddam præterea in aquæ decursu obvium, quod ad aliquam utilitatem ægre traduci potest, cum vix ullo calore præditum sit. Quod vero ad salium qualitatem, Thermalis hæc cum aliis longe calidioribus plane convenit; quandoquidem cum mercurii sublimati solutione permixta paucis horæ momentis albicantem, & cum

fy-

fyrupo violato viridem colorem statim adipiscitur.

Quapropter illa etiam ad potum esset aptissima, si altior in clivo cuniculus fieret, ex quo eadem purior manaret. Ægrotis enim perutilis foret habitu tenui, ac delicato sensu præditis, & quibus morbi ratione a ferventibus & magis actuosis Thermis abstinendum est. Sed balneo, ut aiebam, nihil haberi suavius, ac ne utilius quidem potest ob ejus teporem, & oleaceam mollitudinem cum salis & sulphuris virtute conjunctam. Gracilibus præsertim, & calidioris naturæ hominibus, tum in rheumatismo, in variis Renum affectionibus, in falsa vel acida sanguinis dyscrasia, in prurigne cutis, in herpetica vel scabiola labe magnopere profuturum existimo. Diutius tamen eo utendum esset, quemadmodum Lucensia, & Pisana usurpantur. In Balneo enim ad pisanos colles triginta dierum spatio Ægros lavare meminit Autor MS. Codicis, cujus epitome in Diarii Italici XI. Libro legitur: quin narrat, eos olim quadraginta vel quinquaginta diebus balneare solitos fuisse, ideoque ex iis

Usus balnei S. Lucie, & egregia virtus.

quamplurimos omnino sanari. Hinc eos irridet Medicos, qui unius horæ moram in temperatis aquis definiunt, ubi multo diutius manendum esse constituit. Quid, cum certissime affirmet quosdam scabiosos ad octavum, aut decimum diem continenter diu noctuque ibidem immorari? qui, si antea recedant, ex decidentibus crustis vexantur. Et quidem in arido aere permolesta fit ulcerosæ cutis contractio, ipsaque indumenta plagas exasperant; adeo ut aquis de novo immergi, ibique manere oporteat, donec absterfa, & munda satis ulcuscula carne impleantur, & pellicula contegantur. Itaque occasio assiduæ diuturnæque balneationis effecit, ut mira ejusdem virtus, & ægrorum in lavando tolerantia innotesceret. Sel illa profecto memorabilior historia, quæ ab eodem Scriptore, tum a Clarissimo Zambeccario tradita est in eo Tractatu de Pisanis Balneis, quem superioribus annis evulgavit. Mendicus quidam Brixianus cum tetra scabie ulcerosa miserrime se haberet, ad illa balnea se contulit: semel demersus solidum in iis mensem exegit, totoque eo tempore erogata

*Historia
mendici
brixiani,
qui solidum
mensem in
Pisano bal-
neo exegit.*

gata stipe victitavit ; noctu vero , ne
superna corporis parte , cum dormita-
ret , in aquas prolaberetur , fune alli-
gatus muro retinebatur : is demum sa-
nitati restitutus e labro exivit , non sua
sponte , sed Praefecto balneorum juben-
te expulsus. Verum tamen in hunc mo-
rem lavare robustissimis quidem homini-
bus liceat, omnia vitæ incommoda, labo-
resque perpeti assuetis : nemini vero sen-
tentiam roganti id pariter faciendum
suaderem ; nam longe satius est aliquam
doloris molestiam Ægrotos patienter fer-
re , qui subinde repetita corporis immer-
sione majus in dies levamen , ac deni-
que sanitatem consequentur. Ut au-
tem ad balneum *S. Luciae* redeam, dua-
rum triumve horarum spatio quotidiana-
nam in eo lotionem multis tolerabilem
puto ; ejusdemque usum ad plures heb-
domadas utiliter posse perducī ; imo
contumacissimi quidam morbi , quorum
tutior in temperatis balneis medicina est,
aliter percurari vix posse videntur. Ne-
que ex longiore mora verendum est ,
ne cutis ulcerosa fiat ; cum ejus latex
propter mollitudinem atque teporem sa-
lutaris linimenti loco sit. Id autem ge-

*Iterum de
usu balnei
S. Luciae.*

nus ulcera ab immodico Thermarum calore , vel acritudine solent excitari. Quocirca in calidioribus Valderianis si qui nimium permanferint , ut eo cutis malo afficiantur (quod tamen nescio an cuiquam acciderit) hi præsens auxilium in *S. Lucia* balneo certissime reperient. Ceterum Ægrotis prope omnibus, maximeque gracilibus & strigosis opus esse judico , ut biduo aut triduo hoc idem Solium ingrediantur , posteaquam satis in superioribus Thermis laverint : ut nempe universo corpori temperies, cuti autem lenitas ac mollitudo concilietur.

*Ejusdem
balnei ne-
cessaria in-
feruntur.*

At enim ad hoc Balneum quotiescunque accederem , ejusdemque eximias qualitates animo reputarem , ægerime ferebam idoneum lavationi locum deesse ; utilissimumque laticem ita contemni , ut parvo & vili Labro reciperetur. Sed neque ullum ibi Domicilium , ullumque Tectum est ; ideoque ad hoc lavacrum vix ter aut quater venire solent Ægroti. Lectulum illuc asportari quidam curant, ubi loti recubare queant ; quæ res aliis cum nimium operosa est, tum plerique alii idonea ad
id

id supellectile destituuntur. Adde hæc extemporalia , & quasi tumultuaria præsidia adversus variam cœli intemperiem vix quicquam valere. Insuper quisquis Balneum ingredi cupit , frondibus primum in casulæ speciem implicatis Labrum cooperiri studet , quo se se ab aeris inclementia tueatur. Eorum sane permagni interest , quorum curæ Balnearia credita sunt , hæc ipsa refici , instaurarique , ut exterorum , nobiliumque virorum multitudo ad Balneas invitetur. Sed ipsi quominus id perficiant , & calamitatem temporum , & loci paupertatem causantur. Quocirca admodum vereor , ut Valderianam Vallem aliquando florentem & beatam videamus : & , quod alias admonuimus , pleraque ad vitæ commoda , & victus rationem spectantia Administrorum studio ac labore comparanda esse ; nunc palam aperteque dicere non dubitamus , eam Balneorum instaurationem , quæ sine magnis sumptibus perfici nequeat , ad Summorum Principum munificentiam pertinere.

*Fons alter
exigui usus,
aliique
prorsus
exoleti.*

Supereſt, ut de altero minori Fonte, qui parum a ſuperiore diſſitus eſt, paucula ſummatim dicamus. Hic igitur cum Balneo *S. Lucie* comparatus, etſi æque tepens in ſpeciem videatur, paulo tamen calidior Thermometri experimento deprehenditur; eumque non iudicio ſenſus, at conjectura ſub falſum eſſe aſſequimur; quod ſicuti ad alias majores Thermas, ita ad hunc fontem Rupicapræ interdum veniant. Porro autem hujus aquæ ſalem haudquaquam ab eo diverſum eſſe, qui cæteris Thermalibus continetur, facile judicamus. Ceterum neque gallæ pulvis, neque acidi liquores, neque alkalici ejus laticem immutant. Nihil de hujus virtute dicam, quia nunquam ad Balneum, rariffimeque ad Potum uſurpatur. Enim vero ubi plures ſunt præcellentes atque uberrimi fontes, quis ejus deſiderio moveatur, ſi quando omnino neglectus, quin etiam diſperditus ſit? Idem de tertio anonymo jam penitus exoleti, tum de aliis quibuſdam exiguis tepentium aquarum ſcatebris potiori jure dicendum eſt.

Interim hæc noſtra de calidis Aquis
ha-

habita oratio frigidas in mentem revo-
cat, quæ plurimæ, atque pellucidæ ab
iisdem oriuntur Rupibus, unde Ther-
males profiliunt. Earum aliæ salubres,
aliæ hominum valetudini adversæ di-
cuntur; sive ob earum algorem, &
cruditatem; sive quod pravam occul-
tam aliam qualitatem in venis montium
receperint. Sed ab illarum effectis hæc
prius cognitio deducenda est, quam
causæ pravitatis investigentur. Cum
autem locus ille habitatoribus careat,
& quarta dumtaxat anni parte hospites
admittat; fieri vix potest, ut aquarum
bonitas, vel malitia illorum usu & ex-
perientia comprobetur, qui ad panem
conficiendum Thermalibus utuntur, &
vini potu multo magis quam frigidis
aquis delectantur. Quod si coquendis
cibis frigidas adhibere velis, facile po-
test vitiosa qualitas vi ignis, ipsaque
coctione emendari. Neque vero infi-
ciamur ejusmodi latices, uti ajunt, hu-
manæ naturæ inimicos esse, utpote si-
miles eorum fontium, qui ab excelsis,
& nivosis aliarum regionum montibus in
subjectas valles, finitimamque planitiem
decurrunt. Hi enim, præterquamquod
gra-

*Frigidi
fontes in vi-
cinia cali-
dorum.*

76 DE THERMIS VALDERIANIS

graves advenis esse solent, incolas etiam gutturosos efficiunt. Idem morbus, Valderiensem illum tractum siqui homines habitarent, eis, ut opinor, familiaris esset: qui tamen præsentem medicinam in Thermalibus aquis invenirent.

*Tepentium
aquarum
cum frigi-
dis compa-
ratio.*

Sed linquamus hæc, ut, quod in eo solitudinis loco relaxandi animi gratia a nobis susceptum est, tibi aperiā. Tepentes aquas cum frigidis comparabam sciendi cupidus, quantum hæ ab illarum tepore recederent. Unum *S. Lucia* fontem delegi; quorsum enim cum frigidis omnes ad unum tepidos contulissē? Primum merſi Thermometrum in aquam Balnei; & liquor sexdecim gradus ascendit supra gradum, in quo erat ante immersionem. Ad binas deinde in vicinia frigidas veni & merſo in primam Thermometro quinos tantum gradus, in alteram vero septemdecim liquor descendit. Rursus ad olivum montis accessi, unde calidiores Thermæ prodeunt: ibi enim frigida nascitur, quam stomacho valde infensam esse Balneatores dicebant. Fluit illa e cuniculo in ampliorem cavernam, quæ lapide latissimo tegitur; in quem

locum demisso Thermometri globo minor gradibus quindecim liquoris altitudo facta est. Postremo in remotiore a Thermis scaturigine periculum feci, in qua duobus & viginti gradibus magis, quam in aere, depressum liquorem animadverti.

Veruntamen, inquires, quænam ex ista diligenti indagatione utilitas? Initio quidem nulla, ut sæpe fit, cum multo labore nihil conficimus; id autem otiose factitabam. Postea vero mecum ipse cogitare cœpi, quantus ille calor subterraneus sit, a quo fontes longissime abeuntes tepidi scaturiunt: cum alii econtrario ita gelidi prodeant, ut in his triginta, quin imo quadraginta fere gradus, quam in tepentibus aquis, liquor Thermometri humiliter descendat. Quanto porro vehementior ille idem reputandus est ignis, si ad eas Thermas aquarum affluentia spectabiles attendamus, quarum urens calor est, ut digitis tolerari nequeat! Quod si maxima illius efficacitas, & virtus admirabilis est, multo mirabilior ejus perennitas. Causas quidem assequimur aquarum assidue, & indefinenter ex

mon-

*Ignis sub-
terranei uni-
de calidissi-
mi fontes
scaturiunt
admiranda
perennitas.*

montibus defluentium, easque omnium doctissime illustravit Cl. Vallisnerius. Sed quis explicuerit, aut potius animo comprehenderit hujus ignis originem perpetuo in profundo specu ardentis, qui e novo pabulo tantumdem reviviscit, quantum ex hoc ipso continenter absumitur; quique interrupta temporum successione post omnem memoriam perseverat? Quemadmodum ille in terræ visceribus gignatur, certissimis docemur philosophorum experimentis: at obscurissima ejusdem perpetuitatis ratio adhuc ignota est, hominumque ingenia exercet. Vasti per me sint in montibus gurgites, ubi sulphur, ubi ferrum, ubi *marchasitæ*, & bituminosa corpora; ubi lapis calcarius, aut calaminaris, ubi demum spiritus quidam, vel sal acidus abundet, a quo memorati fomites caloris assidue excitentur. Sed quid hæc? ostendunt tantummodo ibi esse æstum, ibi calorem quoque vehementem, ac diuturnum; verum quæ ignis ad plurima sæcula sine ulla intermissione vigere queat, non facile demonstrant. At enim, opinor, illa omni materia, ex qua assiduus calor extricatur, tandem ab-

*Aquarum
ferventium
& frigidarum
mutua
conversio.*

absumpta, fieri aliquando necessum erit, ut, quæ ab omni ævo calidissimæ aquæ erumpunt, primum in tepidas, deinde etiam in frigidas commutentur: sicuti dubitare non possumus, quin venturo tempore gelidi quidam Fontes in Thermas convertantur; quod utique præterita jam ætate contigisse nonnulli tradiderunt.

Denique a Valderiano tractu priusquam discederem, ab incolis scicabam, an ullas insuper minerales aquas circum ea loca novissent. Atque in cacumine proximi montis scaturiginem indicabant, quæ initio albescit, suoque in defluxu limpida fit. Quod procul dubio intellectu facillimum est, siquidem aqua emanans albidam terram secum abripit, quæ ea rapidius erumpente diffunditur, tardo vero motu fluente delabitur. Alii, qui eam vallem inhabitant, qua iter est in charturienſe Cœnobium, ultra hujus monasterii sedem quosdam montes ostendebant, unde medicinales aquæ olim prodirent: sed, nescio qua hominum malitia, easdem asserebant disturbatas esse, aut consēpultas. Animus erat trajectis rupibus ad Vinadenses
Ther-

*Therma-
rum Vina-
densium
cum Valde-
rianis col-
latio.*

Thermas Valderio me conferre, nisi præter spem oblata esset occasio mutandi consilii. Cum iis autem inito sermone, qui tum Valderii, tum Vinadii Balneas bene sibi cognitæ atque exploratas esse dicerent, nihil certum colligere potui. Vinadenfes ajebant magis calefacere & ficcare, quam Valderianas, & in resolvendis tumoribus præcellere; præterea sulphureis partibus præpollere, tum quod graviores halitus effundant; tum quod argentei nummi in eas injecti obscuriorem colorem acquirant. Deinde apud Vinadenfes panem confici præstantiorem, quam apud Valderianos, cum ab utrisque adhibeantur Thermæ. Alii vero hæc fere omnia negabant; ac tantum eos fontes Vinadii calidiores, & magis sulphuratos esse concedebant, ubi luta reperiuntur, ceteros Valderianis virtute & efficacia cedere. Sed de Lutis quoque res est inter eos controversa; quidam enim ibi congenita, aliqui contra a Dinienfibus in Gallo-Provincia Balneis isthuc transvecta fuisse dicunt; quod memoriæ proditum a majoribus sit. Nobis vero illorum autoritas majoris momenti

menti tunc esse videbatur , qui Ther-
marum collatione habita de utrisque ju-
diciū Medici experientissimi tulissent ,
vel Melani , vel Maifi , vel Alberti , qui
Medicinam in ea dudum regione , sum-
maque cum laude excoluerunt. Hi au-
tem peritissimi viri inter Vinadenses &
Valderianas nihil esse discriminis credi-
derunt. Sed quoniam veteres Medici
mineralium aquarum naturam ex falla-
cibus notis plerumque deduxerunt , id-
circo earum sententiis , nisi post diligen-
tem , & accuratam rerum indaginem ,
plane assentiri nolui. Quare , cum ab
eximio viro D. Javello , qui eandem
disciplinam Vinadii profitetur , de iis
Thermalibus nonnulla quæsissem , is mi-
hi quemdam salem juxta scaturigines
concretum , atque a se ipso collectum
perhumaniter misit. Sal iste vix ullis
terrenis partibus permixtus , valdeque
falsus est ; neque cum acidis liquoribus
fermentescit. Quis igitur non videt a
Valderianis natura & quantitate salis Vi-
nadenſes plurimum discrepare ? ut proin-
de vix dubitem , quin aliæ earumdem
Thermalium varietates factis experimen-
tis , & observationibus dignosci possint.





